

( Fortsetzung vu dor Seit 6 )

När selche Urlauberinsln wie de Seischelln, de Ballearn oder gar Hawei ham uns net esu intressiert, do konntn mir gern drauf vorziocht'n.

Un wenn iech dann allis lang genuch beschnacht hob, pack iechs Zeich wieder nein in mei Schukastl, mach is Schranktürle zu, gieh wieder zen Kannepee un hob su mein Friedn un frei miech, des iech su e schiens Labn grad als Rentner gehatt hob.

Itze allane gieh iech halt alle schenn Tog nei mein Gartn in dor Vudlstroß un setz miech noch den getaane Ukrautzuppn nei mein vun Weinlaub ieberwachsne „Separee“, do issis am schennstn.

Dann denk iech schu wieder an Obnd un frei miech, wenn iech mei Schranktierle aufmach, zen Schuhkastl greif un des Spiel fängt vu Neie aa...

Es Grüßt eich alle eire Annita ..... un dor Auf- un Imschreiber, dor Schmidt



Do neilich, do ham mir unnerer ehemalchn Sportlehrerin zen **93. Geburtstag** gratuliert un uns aa an alte Zeitn dorinnert...

Lang, lang is har - ieber zah Gahr - des Bildl stammt vu unnerer Vereins-Fosnd am 4.2.2010 !!!



War zen Norma-Parkplatz gefahrn wern will, dar söll siech bis zen 18.8.20 maldn, im

**Museum, Tel. 2141**




Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB


# Unner Blatt I



Nummer  
185

Mitteilungsblatt des  
Erzgebirgischen Heimatvereines  
Eibenstock e.V.

August  
2020



*Su ne schiene Aussicht im Gebirg!*

## Is hölzerne Gewitter

Is gieht off de Heirat Öberdorf nauf  
vun Niederdorf druntn dor Fritz.  
De Bürschle vu ubn drubn, die lauern schu drauf.  
Drim läßt siech dor Fritz mit dor Liesl net saah,  
ben Nachbar´s Schmied hinter dor Heck,  
do ham se e sichers Vorsteck.



Un wies emol regnt, nimmt de Liesl ihrn Fritz  
im zahne Obnd mit nei in ihr Haus.  
Se genne de Trepp na un sung siech in Sitz,  
of dor überschn Treppnstuf raus.  
Dor Fritz will siech setzn, do laht an dor Wand  
zwee Scheffle, e Wäschwann, Geraat allerhand,  
do rammlt dor Fritz an des Zeich,  
des infällt de Wäschwann gleich.



Su stürzt allis dor Trepp nei mit fürchterling Krach,  
is war ne hölzerne Trepp,  
zwee Scheffle, e Wäschwann, paar Aamer vun Blach  
dorzu noch paar hölzerne Töpp.  
De Lies tut in Quiekersch, dor Fritz macht geschwind  
des ar in dor Finster de Haustür när find,  
un als is wurd labandich im Haus  
war mei Fritz schu zur Hinnertür naus.



Ar rennt wie besassn im Huf rimedim,  
ar find in dor Angst gar kenn Wag.  
Ar macht net wie immer bein Schmied hintnrim,  
när naus of de Stroß in sein Schrack.  
Un wie ar vorbeirennt bein Nachbar senn Haus  
do stürzn zwee Bürschle zun Gartntor raus:  
„Wos hast dä du ruppicher Gung  
in Öberdorf hier ubn ze sugn?“



## Wir gratulieren unseren Heimatfreunden

(jeds mol in August sei de meestn dra, wie kimmt dä des?)

Heinz Jacob	am 02.08.	zum 86. Geburtstag
Karin Bauer	am 02.08.	zum 64. Geburtstag
Ina Valdorf	am 05.08.	zum 56. Geburtstag
Sigine Irmisch	am 08.08.	zum 79. Geburtstag
Eveline Büttner	am 11.08.	zum 70. Geburtstag
Anja Hahn	am 14.08.	zum 44. Geburtstag
Ramona Limpert	am 21.08.	zum 63. Geburtstag
Eva Gebauer	am 22.08.	zum 82. Geburtstag
Burkhardt Zinner	am 23.08.	zum 70. Geburtstag
Sabine Zinner	am 26.08.	zum 65. Geburtstag
Gabriele Bonstein	am 28.08.	zum 72. Geburtstag
Christine Winter	am 30.08.	zum 75. Geburtstag



Wer arbeitet, macht Fehler, wer viel arbeitet  
macht viele Fehler, und wer keine Fehler macht,  
ist ein fauler Hund!

- Elmar von Lukowitz, Betriebsleiter Uniroyal -

**Hallo ihr Leit!**  
**Nooch den schenn Auersberg-Obnd**  
**kimmt gelei is nächste Heileit:**  
**Donnerstag, 20. August, 16.30 Uhr**  
**Mit de Kramser rings**  
**im ne Gerstnberg!**

**Abfahrt: Norma-Parkplatz**

**Anschl. rickn mir ei bein**  
**Faldschlössl-Rüff**

**Aufgeschriebn ham mir ja schu in ganzn**  
**Haufn, war noch dorzu komme will,**  
**muss siech halt maldn. (Tel. 2141)**



## Vorwort

Vor kurzem war ich mit meiner besten Ehehälfte am Geburtstag bei unserer Annita, das war nur schon ihr 82. Ehrntag! Do ham mir uns - wie des abn esu is - ieber sunstewos unnerhalten un aa vu de schennstn Dorinnerunge. Do saat de Annita mit emol, des se schu weng aufgeschriebl hat, was se su in ihrer neie Wohnung in den kleinn Grußstadt Bad Schlem-Aue su an manchn Obnd trebt. Un des Geschreib wollt ich nu ubendingt ham for e neie Blattl-Geschicht. Un was solliech eich sogn? An 31.7., zen Stichtog fors Finanzamt, hat se de Handzettln bei mir neine Briefkastn gesteckt. Un do dacht ich bei mir, do muss ich halt die Geschicht mit e paar arzgebirgschn Leberarbeitunge termingerechd ins Blattl nei bringe, un hier isse nu:

## Mei Schuhkastl

Wenn ich obnds esu in meiner Kannepee-Eck sitz, do gieht mir immer viel durchn Kopp. Allis, was ich su dorlabt hob kimmt mir do neine Sinn. Mannichsmol stieh ich noocherts auf, mach mei Schranktürle auf un hul mei Schuhkastl raus. Machs auf un fang dann aa, do drinnerim ze steebern. Aa wenn des Ding Schuhkastl haaßn tut, do sei kaane Schuh oder ebber Schuhbürschn oder Schuhcrem ze saah. Naa, do stacken allis meine Dorinnerunge un Dorlabnisse drinne, oder jednfalls racht viele. Allis of viele Bildle festgehaltn, su wie siech des gehert. Wie bestimmt jeder annere aa hob ich in mein lange Labn nu schu ganz schie viel dorlabt. Aber de richtschn Dorlabnisse hat ich erscht, wu ich schu neins Senjorinnenalter komme bi. Zen Beispiel mit mein Hannes hatt ich schu viel schiene Unnernahmunge gemacht, allis mit unnern „Hans“ - esu hießen dann aa alle meine Autos -, viele Tourn un Ausflieg ringsrim.

Aber esu richtig ging die Vorrasserei erscht lus, wu ich mein Ferschter kennegelernt hob. Dar is for sei Labn gern Auto gefahrn, also, dar hat siech gern fahrn lessn!

Un esu sei mir mit unnern „Hans“ dorwagn dann weit ieber Deitschland nauskumme, zen Beispiel nooch Östreich, dor Schweiz, Italjien, Tschechjien unsuwetter. Inne Reisebus sei mir aber aa gern eigestiegn, wens dann noch wetter fort ging wie nooch Kroatsjien, Slowenjien, Norwegn oder aa Helgoland. Am meistn sei mir aber trotzdäm in Deitschland rimgetourt. Do gibts glaab ich net viel Bäder, wu mir net warn. Mir ham alle Bodwasser unnersucht, von Baiern samt Kiemsee un Bad Füssing, Passau, Königsee, aa mol im Schwarzwald, aber aa Norddeitschland un Thüringe sei vu uns net vorschunt gebliebn, mir ham aafach allis ogeklapport! Des war immer racht schie un desserwagn haaßts ja aa, Rentner ham niemols Zeit, weil mor abn dauernd unnerwags war.

Un die Zeit, die mir zwischndurch gebliebn is, hob ich genutzd un fleißich su wos wie e Togbuch geschriebl un natierlich de Bildle dorzu gesammelt.

Des is heitzetog dann ne schiene Dorinnerungsraas in de Vorgangehaat.

Wenn ich itze do sitz un de Bildle durch meine Händ genne, do kennt ich ball ieber jeds Bild ne extra schiene Geschicht dorzähl'n oder gar in Vürtrog haltn...

( Fortsetzung of dor Seit 8! )

*Un eh siech dor Fritz kunnt in Auswag besaah,  
do hatt ne die zwee geschwind  
bein Schlawittchn gepackt of dor Stroß hiegehaa -  
Klatsch! hatt ar ne Faunz wie dor Wind.*

*Un noochert de Priegln warn gar net ze karg,  
besonnensch dar Gruße, dar machts weng ze arg!  
Dor Klaane saat: „Is is nu schu gut,  
här auf Gust, sinst schlächstn noch tud!“*



*In Fritz is ganz damisch, is blut ne de Noos.  
e paar Zäh sei ne locker geschlogn.*

*Un wie ar mit Krächzn stieht auf vu dor Stroß,  
do wolln ne de Baa nimmer trogn.*

*„Des war e Gewitter“, denkt bei siech dor Fritz,  
im Haus hats gedonnert un haußn geblitzt  
un Haglschlog hatts dorzu gabn,  
iech glab, do ging kaaner dornabn.*



*Dor Fritz is gesund schu in annern Obnd drauf,  
ar möchte gern sei Liesl mol sah.*

*Do schleicht ar siech hamlich ins Öberdorf nauf,  
do trifftn dor Aane allaa.*

*„Du gest wuhl schu wieder zur Liesl, paß auf,  
mir Bürschle vu drubn mir lauern schu drauf!*

*Wenn de Priegl tatn net weh,  
nu do krichste is nächste mol meh!“*



*Des Liedl hat immer unner Soser Op, dor Unger, Paul gesunge,  
den Text hab ich aber itze erscht vu dor Lenk, Sabine kricht.  
Kaaner waß aber vu wem des stammt.  
Wer war dor Dichter vun Öber- un Unnerdorf?  
Wer`s emende rausfind, dar ruft miech halt emol aa!*

## Is Vereinslabn geht wieder los!

Wann kenne mir nu mol wieder mit unnerer Leit zamkumme? Do drier ham mir uns lang in Kopp gemacht. De erschte Idee hat net geklappt, un do sei mir ofn Auersberg komme, denn mei Fraa hat de Chefin dortn ubn gut gekannt. Eweng Freindschaft un Beziehung sei halt immer gut. Do sei mir paar mol naufgefahrd, ham allis ogesprochn un ham gedacht, des esu vielleicht 30-35 Leit zamkomme kennn. Dann stands im Juli – Blattl un im nu ham siech dor Reih nooch 44



Leit gemald! De erschtn warn unnerer ältsten Mitstreiter. Nu ham mir de Azohl dann abn nooch ubn korrichiern missn. De Fahrerei ging aa wie immer gut, is ham siech gelei genuch als Fahrer eischreibn lessn. Schenn Dank noch emol an de Pkw-Kutscher! Unner Matthias hat dann noch innern Sonnerblattl de Fahrzeichbesatzunge bekannt



gabn. Un dann kam dar Sachzahnte lang dorsehnte Tog ra. Dor Simmel-Auersberg hat uns wohlwollnd aufgenomme un in Saal vor uns eigericht. Eingtlich solltn un wollten mir im Freie draußn vorn



Turm auf de neien Tischgarniturn eisitzn, aber is Watter war net esu vu uns agetaa un aa de Celsjus-Gräder warn meh oder wenicher eweng neine Kaller gerutscht. „Endlich, endlich wieder e Zamtraffn im Verein!“ Su wars an jedn Tisch ze hern. Un alle kame wie ausgemacht ganz vürsichtig mit de vorschiednstn Mund- und Nosn- Maskn zur Tür rei.



Aber dann iebernaht doch de Fraad aufs Wiedersah nooch su ner lange Aus-Zeit wagn dare Corona de leberhand un is wurd siech gemietlich – natierlich doch eweng mit Ostand - zwischn de Tisch zamgesetzt, dorzählt, dorzählt un aa viel gelacht. Sugar de Familie Winter vu den Potsdam do ubn kam

in Sommer runner un ham den Barg gefundn un warn wieder mol unner uns. Zeerscht sei dann de Getränkle vu dor Bedienung an de Tisch vortaalt wurdn. Draußn wurdn Roster, Steeks un Putnschitzln gegrillt un des ganze noocherts of nern Bifftee samt Ardeppsalat, Gemisesalat un Sammln



drinne aagericht. Dann ham aa alle kräftlich zugelangt. Gut geschmeckt mussis ham, denn is wurd fast allis aufgassn, när e klaaner Rast is noocherts noch an e paarle mit ham gabn wurdn. Dann ham mir

schnell noch bekannt gabn, des mir doch ne Kramserfahrt machen kenne un wolln – un mor kunnts siech fast denken – 43 warn sofort dorbei! Also, dann bis zen 20. August!

Eier Schmidt

